

# Noatia i le Faaola e ala i Feagaiga Ma Sauniga



## OTOOTOGA O LE AOAOGA MO AUFONO A ERIA, FAAMAPOPOO, MISIONA, SITEKI, UAROTA, MA PARANESI

*I le taimi o lenei aoaoga, o le a outou tagai ai ma faafofoga i aafiaga o fanau a lo tatou Tama Faalelagi i nofoaga eseese i luga o le ala e oo ai ina noatia i le Faaola e ala i feagaiga ma sauniga. O le a outou faafofoga ai i le ala e fesoasoani ai le alofa, faasoa atu, ma le valaaulia ia i latou e agai ai i luma i luga o le ala o feagaiga ma le olioli. E mafai ona outou silafia ai o le faasoa atu o le talalelei, galuega o le malumalu ma le talafaasolopito o aiga, ma le tausiga o i latou e manaomia, e tofu ma se vaega e fai. Ae o le mea e sili ona taua i na mea uma, atonu tou te matauina ai le ala ua “faapotopoto faatasi ai [nei mea uma] ia tasi ... Ia Keriso” (Efeso 1:10).*

### LAASAGA 1 O LE OLAGA: TAMAITI

Matamata le vitio o i ai Peresitene Joy D. Jones ma tamaiti, ona talanoaina lea po o a mea o le a outou o ma fai e fesoasoani ai i tamaiti ia noatia ai i latou lava i le Faaola i luga o le ala o feagaiga.

- O le a le mea sa aoao mai e le Agaga ia i tatou a o tatou matamata i lenei vitio?
- E faapefea e mataupu faavae o le alofa, faasoa atu, ma le valaaulia ona fesoasoani i tamaiti a o latou taumafai malosi e faasoa atu le talalelei?
- E faapefea e le auauna atu ona fesoasoani i tamaiti ia tumau ai i luga o le ala o feagaiga pe a uma le papatisoga?



### LAASAGA 2 O LE OLAGA: AUTALAVOU

Matamata le vitio o i ai Peresitene Bonnie H. Cordon ma Peresitene Stephen J. Lund ma le autalavou, ona talanoaina lea po o a mea o le a outou o ma fai e fesoasoani ai i le autalavou ia noatia ai i latou lava i le Faaola i luga o le ala o feagaiga.

- E mafai ona tatou fesoasoani i le autalavou e tausia a latou feagaiga o le papatisoga ma saunia i latou mo le isi laasaga i luga o le ala o feagaiga?
- E faapefea e mataupu faavae o le alofa, faasoa atu, ma le valaaulia ona fesoasoani i le autalavou e auai i le faatinoina o le galuega o le malumalu ma le talafaasolopito o aiga?
- E mafai faapefea ona tatou fesoasoani i le autalavou ia lagonaina le faamoemoe ma le avea ai ma ni ō a o noatia ai i le Faaola?

### LAASAGA 3 O LE OLAGA: TALAVOU MATUTUA

Matamata le vitio o i ai Peresitene Mark L. Pace ma talavou matutua, ona talanoaina lea po o a mea o le a outou o ma fai e fesoasoani ai i talavou matutua ia noatia ai i latou lava i le Faaola i luga o le ala o feagaiga.

- O a ni mea tatou te aoao mai le alofa, faasoa atu, ma le valaaulia o loo ofo mai e isi ia i tatou?
- E mafai faapefea ona tatou fesoasoani i talavou matutua ia lagonaina le faamoemoe ma le avea ai ma ni o a faateleina lo latou tutoatasi ma auauna atu i isi?  
E mafai faapefea ona tatou fesoasoani ia i latou ia iloa e manaomia i latou i le Ekalesia a le Alii?
- O le a le matafai ai a gaoioiga 'anoa a le Ekalesia ma le tausiga a taitai e fai i le noatiaina o talavou matutua i le Faaola?

## LAASAGA 4 O LE OLAGA: AU MATUTUA

Matamata le vitio o i ai Peresitene Jean B. Bingham ma le au matutua, ona talanoaina lea po o a mea o le a outou o ma fai e fesoasoani ai i le au matutua ia noatia ai i latou lava i le Faola i luga o le ala o feagaiga.

- E faapefea e a tatou feagaiga ona aumaia le faamalologa ma fesoasoani ia i tatou ia tumau ai i luga o le ala--e oo lava i taimi faigata?
- O a ni auala ua tatou maua e fesoasoani ai i tagata o le au paia e noatia i latou lava ma isi i le Faola e ala i feagaiga ma sauniga?
- E faapefea e le atina'eina o le tutoatasi faaleagaga ona fesoasoani ia i tatou ia alolofa, faasoa atu, ma valaaulia?

PUNAOA MO AUFONO A ERIA, FAAMAPOPOO, MISIONA, SITEKI, UAROTA, MA PARANESI?

## Mo Tamaiti ma le Autalavou

VAAIGA AOA MO TAMAITI MA LE AUTALAVOU

*O le polokalama a Tamaiti ma le Autalavou ua fuafuaina e faamalolosa ai le faatuatua o le tupulaga faia'e ia Iesu Keriso ma fesoasoani ai i tamaiti, autalavou, ma o latou aiga ia agai i luma i luga o le ala o feagaiga a o latou fetaiai ma luitau o le olaga. E fesoasoani i tamaiti ma le autalavou i a latou taumafaiga e auai i le faatinoina o le faapotopotoina o Isaraelu ma le galuega o le faaolataga ma le faaeaga i o latou olaga i aso faisoo. O loo faatotonugalemu i le aiga ma e lagolagoina i le lotu.*



### O FAAMOEMOEGA MO LE TUPULAGA FAIA'E

E fesoasoani tamaiti ma le autalavou i le tupulaga faia'e ia ola i le tele o auala, e aofia ai e ala i feagaiga, faitalia, ma sootaga. E aoaoina e tagata taitoatasi ia maua ma faatino ia faaaliga patino a o latou faaaogaina le faitalia ma filifili ia avanoa e tuputupu ae ai mo i latou lava. E tupu foi lenei mea a o aoao le autalavou e taitai i au peresitene o korama ma vasega. Latou te fausia sootaga ma o latou aiga, o o latou taitai, ma isi o o latou lava vaitausaga a o latou galulue ma auauna atu faatasi ma oo ai ina iloa o i latou o ni o, ma o loo manaomia i latou i le galuega a le Alii.

### O FEA E TATAU ONA TATOU AMATA AI I LE ASO?

Matou te valaaulia tamaiti, autalavou, ma o latou matua ma taitai e tautino atu i latou ma toetautino atu i le avea atili e faapei o le Faola e ala i le auai i le faatinoina o Lana Galuega. E le faapea e tatau ona faigata nei taumafaiga! O nisi nei o auala faigofie e amata ai.

## Matua

- Faapotopoto mai lou aiga mo suesuega faaletalalelei. E mafai ona fesoasoani punaoa o le *Sau, Mulimuli Mai la Te Au*. E mafai ona e fuafua e faia ni talatalanoaga e uiga i autu e pei o feagaiga, faaaliga, faitalia, ma faamanuiaga faapeteriaka.
- Fuafua se gaoioiga faaleaiga. E mafai faapefea ona e auauna saogalemu atu i se tasi i lo outou tuaoi po o le pitonuu? O mea o maua ai le JustServe [Na'oleAuaunaatu] e mafai ona fesoasoani ia te outou e maua ai 'aitia.
- Fono ma atalii ma afafine taitoatasi. Talanoaina mea latou te fiafia i ai ma talanoa pe o a auala latou te mananao e ola a'e ai. Fesoasoani ma lagolago i latou i o latou atina'ega patino. Talanoa po o a a latou sini ua faatutu pe mananao e galulue ai.

## Taitai o le Peraimeri

- Ia iloa tulaga o aiga o tamaiti, ma saili mo faaaliga e fesoasoani ai ia te i latou taitoatasi.
- Amata ona fai sauniga o le Aso Sa ma gaoioiga patino a le Peraimeri pe i luga o upega tafailagi (pe a ua saogalemu ma faatagaina).
- Aua le popole i le faafeso'ota'ia o sini a tagata taitoatasi i gaoioiga! O lau tulimata'iga o le fesootai faatasi ma faamanuiaga. O tamaiti ma o latou aiga—aemaise pe a manaomia pe fesili mai mo se fesoasoani.

## Taitai matutua o le autalavou

- Amata ona fai sauniga o le Aso Sa ma gaoioiga patino a korama ma vasega pe i luga o upega tafailagi (pe a saogalemu ma faatagaina). Fautuaina le autalavou e tauloto ma amata sauniga i autu fou a Tamaitai Talavou ma korama o le Perisitua Arona.
- Ia tofia, vaetofia, ma faamanaina au peresitene o korama ma vasega. Fesoasoani ia i latou e faia fonotaga masani a au peresitene ma ia fuafua ma taitai ia sauniga o le Aso Sa ma gaoioiga. Ia fai fonotaga a le autalavou a le uarota ma uunaia le auai i fonotaga faamaopopo faafaifeautalai ma malumalu ma talafaasolopito o aiga. Fauautua ma lagolago au peresitene pe a manaomia ai e aunoa ma le faia e oe lava. Fesoasoani i au peresitene e aoao ia tomai faaletaitaiga e faaoga ai [punaoa mo au peresitene o korama ma vasega](#).
- Fuafua ma faia tolauapiga a le autalavou ma konafesi a le autalavou i le 2021, ma mulimuli i taiala mo le saogalemu.
- Aua le popole i le faafeso'ota'ia o sini a tagata taitoatasi i gaoioiga! Tuu lou malos i le faafesootai iina o talavou lava latou. E mafai foi ona e fesoasoani i au peresitene o korama ma vasega e faafesootai ia gaoioiga i manaoga o le autalavou.

MO NISI FAAMATALAGA, TAGAI I LE [CHILDRENANDYOUTH.CHURCHOFJESUSCHRIST.ORG](https://CHILDRENANDYOUTH.CHURCHOFJESUSCHRIST.ORG).

# Mo Le Au Matutua

## NOFOAGA E FAAPOTOPOTO AI LE YSA [TALAVOU NOFOFUA MATUTUA]

Ua tuuina mai e le Au Peresitene Sili le faamaoniga mo eria e faatutu ai nofoaga e faapopototo ai talavou nofofua matutua e faavae i luga o o latou manaoga. O nofoaga mo le faapopototoina o se vaega lea ua atofa i se fale ua i ai (e pei o se falelotu po o se fale o le inisitituti) lea e mafai ona faapopototo ai talavou nofofua matutua ma a latou uo e auai ai i nisi po o mea uma foi nei (e faalagolago i manaoga faalelotoifale ma punaoa).

- Aoaoga faalelotu ma aoaoga faaletalalelei (e aofia ai le inisitituti).
- Auaunaga ma gaoioiga faaleagafesootai.
- Gaoioiga mo le malumalu ma talafaasolopito o aiga.
- Avanoa mo le ola tutoatasi ma le a'otauina.
- Gaoioiga faafaifeautalai ma aapa atu ai i nuu.
- O Isi Polokalama a le Ekalesia.



O nofoaga uma e faapopototo ai e tatau ona faamaonia e le Au Peresitene o le Eria ma vaavaaia e peresitene o siteki ma epikopo

## VALAUGA MO TALAVOU NOFOFUA MATUTUA MA TAGATA MATUTUA NOFOFUA

Suiga talu ai nei o aiaiga faavae ma faamaninoga ua foia ai tulaga e ono le malamalama ai ma agaifanua sese e uiga i tapulaa o avanoa mo tagata nofofua o le au paia e auauna ai i le Ekalesia a le Alii. O nei suiga ma faamaninoga o aiaiga faavae, ua faamaonia e le Au Peresitene Sili ma le Korama a le Toasefululua ma ua aofia ai i totonu o le Tusitaulima Aoa, o loo faamatala atu ai e faapea, o talavou nofofua matutua ma tagata matutua nofofua e mafai ona faamanuiaina ma e mafai ona faamanuiaina ai isi i le tele o valaauga, e aofia ai le ave a o ni taitai o le siteki ma uarota. O aiaiga faavae foi lava ia ua faaoga i iunite uma o le Ekalesia, e aofia ai iunite a talavou nofofua matutua ma tagata matutua nofofua. O tapu e faasaga i talavou nofofua matutua ma tagata matutua nofofua o loo galulue i au peresitene o siteki, au epikopo, ma au peresitene o Aualofa a le siteki i iunite a talavou nofofua matutua ma tagata matutua nofofua ua aveesea.

E mafai ona galulue ia tagata nofofua o le au paia i tulaga faaletaitaiga e aofia ai au peresitene o faalapotopotoga a uarota ma le siteki, au peresitene o korama a toeaina, fesoasoani i le au epikopo, fautua maua luga, ma fesoasoani i le au peresitene o le siteki.

# Manaomia ma le Talileleia o Tagata Uma—Alofa, Faasoa Atu, ma le Valaaulia

A oo ina faigata i tagata o le ekalesia ona maua se lagona o le avea ai, o nisi taimi e fai atu ai e taitai ma isi ni tala ma le le mafauina e faamalosia ai i nei tagata le talitonuga faapea e le talafeauga i latou ona i ai pe e le manaomia foi i latou.

O le manatuaina o nei upumoni e uiga i le alofa, faasoa atu, ma le valaaulia e mafai ona fesoasoani i le talileleia o i latou uma i gaoioiga, faaumeaina, ma le avea ai ma ni o le Ekalesia a Iesu Keriso.


- O tagata taitasi uma o se atalii/afafine faapelepele o le Atua o i ai se natura ma se taunuuga paia. E faaopoopo atu i faamanuiaga faavavau na la folafola mai i e faamaoni, e finagalo o la ia faamanuiaina Ana fanau i le taimi nei, i le aluga o lenei olaga.
- E manaomia atalii/afafine taitasi o le Atua i le galuega o le fausiaina o Lona malo.
- Ina ia fesoasoani i se tasi ia lagonaina pe o ia o se tasi, ma e manaomiaina, e amata i le alofa. Faalogologo ia malamalama i ona aafiaga. Aua le manatu faapea ua uma ona e iloa pe malamalama i ai.
- E le o ia i tatou tali i fesili uma o loo tatou feagai pe feagai ma isi i lenei olaga. Mo se faaitaiga, tatou te le iloa ia mafuaaga atonu o feagai ma se tagata i se luitau faapitoa.
- Ia lotomatala ma aua le faamasino. Talileleia tagata taitasi, i soo se mea o i ai lena tagata i lana malaga. Ofo atu e fesoasoani, ma taulai atu i le mea moni faapea e manaomia tagata taitasi i le Ekalesia.
- Afai e te fai atu ma le le mafau se mea e tiga, aua e te taupunipuni, faatoese ona sailia lea o le faamagaloga ma le toefaaleleia.



MO FAAMATALAGA E UIGA I LE FESOASOANI I TAGATA O I AI I NI TULAGA PATINO, TAGAI I LE [COUNSELINGRESOURCES.CHURCHOFJESUSCHRIST.ORG](https://www.churchofjesuschrist.org).

## E AOGA LE FAI ATU

- Talofa! E manaomia ma e alofagia oe. Faafetai mo lou susu mai.
- Aoa mai a'u e uiga i lou aafiaga. O le a se mea e te manao ia te au ia malamalama ai?
- Matou te faafeiloai atu ia te oe ma e matou te manaomia oe po o fea lava o e i ai i lau malaga. E mafai faapefea ona tatou fesoasoani atu? E mafai faapefea ona e fesoasoani ia i matou?
- Ua finagalo le Atua ia te oe ia e fiafia nei. Ua saunia e Lana talalelei le faamoemoe ma le fiafia mo Ana fanau uma.



O LE EKALLESIA A  
IESU KERISO  
O LE AU PAIA O ASO  
E GATA AI